

Է

ԷՄՆԻՍԶ ԽՕՃԱ. ԹԱՐԽԱՆԵԱՆ, ՋՈՒՂԱՅԵՑԻ. — Փոքր որդի ազնուատոհմ Թարխանեան Խօճա Մինասի: Էմնիազ ուխտաւորութեամբ այցելած է Ս. Յակոբի վանքը: 1746 ին Ջրօրհնէքի օրը կը նահատակուի պարսից Նատիր շահէն «վասն ա-կանակուռ ասպազինին», եւ կը թաղուի Ղարազէլի եկեղեցիին մատրան մէջ, իր տապանագիրը հետեւեալն է.

«Այս է տապան սրբասէրի՝ միշտ աղօթող բարեպաշտի, ազնուափայլ մեծատոհմի խօջայ Մինասի փոքր որդի յուսւսեառոյ եւ մահիսեալի Աղայ Պարոն Էմնիազի. որ ըստ բերման ժամանակի՝ զտանջանս կրեաց մարտիրոսի հանգոյն սրբոյ նահատակի, ներայսմ շիրմի սա ամփոփի, ի սուրբ աւուրս Ջրօրհնէքի: Որք հանդիպիք այսմիկ յարկի, յիշման առնէք սա արժանի. մի Հայր մերիւ տուք ողորմի, Տէրն Քրիստոս ձեզ ողորմի. թիվն ՌՃՂԵ» (=1746):

Աղեքսանդր կթղ. Ջուղայեցի Էմնիազի և իր եղբայրներուն գրած կոնդակներուն մէջ միշտ կ'անուանէ զանոնք աչացս յոյս. (Նոր Ջուղայ. հտր. Ա. էջ 146. Բ. էջ 34): Նահատակ Էմնիազի որդին Յարութիւն՝ 1749ին և 1764 ին իր հօրը և բոլոր ննջեցելոց յիշատակին համար Ս. Յակոբի վանքին նուիրած է ոսկիէ երկու սկիհ: (Յուզ. Պ.):

